

經文：馬太福音書 7：24-27

護教學一直是教會史發展中真要緊 é 一環，Tī 第二世紀就有護教士游斯丁為初代教會辯論，中世紀教會設立異端裁判所，為著維護正統 é 信仰，chit 種做法 tī 早期教會為 tiòh 抵擋異端，原是無可厚非。總是 nā 做了過份，會成做攻擊人 é 工具。親像：威克里夫 (Wicliff)、胡斯(Hus)等 chiah-ê 改革者 lóng hō 人處死。20 世紀中期神學院 iáu 有護教學 é 課程，M̄-k oh 後期了後濟濟主流神學院無 koh 教護教學，開始重視宗教對話 (dialogue)，甚至無仝宗教 iáu 有事工合作。上帝是至高無上 é 根本不需要人為伊護教。德國哲學家尼采(1844-1900)bat 寫一本冊「上帝死去 ah」。我 tī 高中 é 時阮班上有一位無神論者，每 pái lóng 提 chit 本冊來恥笑我講：Lín é 上帝已經死去 lah！hit 時我 m̄ 知按怎回答。總是尼采死去一百多冬 lah，上帝 mà-koh iáu 無死，基督教 kap 猶太教之人口佔全世界 é 40%。可惜濟濟基要派 iáu 是 teh 做護教 é 工作，親像：反墮胎團體，到墮胎診所殺死醫師，in 認定家已是公義 kap 道德 é 守護者，凡意見 kap in 不合 é lóng 著 ài 掃除，這等於是 thèh 聖經來壓死人。

有一個國王，伊 ài 穿 súi 衫，常常付真高 é 代價，請全國 siōng 優秀 é 裁縫師為伊製新衣。兩 ài 騙仔來到城裡，誇口 é thang 織出 siōng 華麗 é 布，作 siōng 美 é 衫褲，M̄-k oh 憨人看 bē-tiòh 這件特別 é 衫褲。國王聽了後，馬上付一大筆錢，請 chit 兩個騙仔來王宮做衫褲。兩個騙仔每工假樣作工，其實織布機上啥物 lóng 無。國王派忠實 é 臣去看新衣 é 進度，臣看 tiòh 空 é 織布機，但是為 tiòh 驚 hō 人講伊憨，只好假裝誇口講：「足美！」衫褲做好 ah，國王根本看無，M̄-k oh 大臣一直嘔 lo，國王只有怙怙，hō hit 兩人幫伊 kā 衫褲穿好勢，到大街遊行。有一個 gín-á 講：「國王啥物款 mà 無穿嘛！」chit 時，所有 é 人 lóng 大聲笑。Chit-ê 故事是 tī 戒嚴時期，咱 tī 恥笑國民黨 é 故事。因為咱 lóng 是拆破國王「光禿禿」é 人。請 mài 笑，當咱面對聖經 é 時 chūn，咱 mà 仝款 tú-tiòh chit 種困境。聖經是上帝 é 啓示，通過無仝時代，無仝作者所寫落來 é。每卷冊 lóng 有寫作者當時 é 背景 kap 寫作目的。想看 māi 若是上帝啓示聖經 é 作者用現此時 é 科學觀點來寫，地球繞著太陽轉，mài 講寫出來當時 é 人不相信，作者顛倒會互看做異端，甚至互用石頭 phah 死。上帝會做 án-ne é 啓示 mah?上帝 é 道路高過人 é 道路，mài 用家己 é 想法來看聖經，án-ne 會陷入斷章取義 é 危機。何況聖經是一本上帝對人類 é 拯救史，是寫 hō 每一個時代 é 人看 é。咱應該親像保羅專注 tī 耶穌為咱釘十字架作中心來讀聖經。咱 ài 轉去作者寫作當時 é 情景，加入 in é 行列，因為咱 lóng 生活 tī 同款 é 處境中間。上帝藉 tiòh 故事、詩歌、箴言 kap 奧秘，呼召咱去活 tī 伊 é 事件中間，成做天父世界 é 一份子。所以信仰 é 豐富無是 tī-teh 嘴舌辯論，卻是咱按怎 tī 信仰中去經驗，chit é 就是不斷豐盛 é 過程，只要咱 é 信仰生活愈豐富就會愈有包容性。

今 á 日 é 經文是山上寶訓最後 é 比喻，mà 是一個總結論：強調凡信又遵趁伊 é 話 é，是將生命起造 tī 石磐上，無論環境按怎險惡 lóng 會堅強 khiā 立。耶穌用厝 é 根基作比喻，清楚 kā 咱講，信仰是一種實踐，不是紙上談兵。其實法利賽人對聖經是 siōng 熟 é 一陣

人，總是耶穌並無 o-ló in，顛倒時時佇 ê 罵 in，爲啥物？因爲法利賽人只是表面虔誠、自義，認爲家己 ê 道德、知識比人 Koh-khah 高，遇到考驗 ê 時，假冒爲善的龜腳就 sô 出來 lah。耶穌講：「凡聽了我 chiah-ê 話去實行 ê」，就是明確 kā 咱講按怎樣將生命起造 tī 石磐上：

認真聽：咱來 tè 耶穌，成做伊 ê 學生，是 beh 做伊全時間 ê 學生，毋是旁聽生。全時間 kap 旁聽生 in ê 差別是旁聽生聽完課 thang 輕鬆離開，全時間 ê 學生要備辦功課、交報告 kap 考試。耶穌講這話 ê 意義 mà 佇 chia，當初來 tè 耶穌 ê，有 bē 少人是抱 tiòh 旁聽生 ê 心態，心頭想講吃甜了後就走。總是耶穌卻要求學生一定要註冊入學，經歷各項 ê 考試 kap 訓練，chiah ē-tàng 有成就，Kan-t aⁿ 旁聽是學無物件。所以作基督徒 ê 頭一個步，就是 ài 知影耶穌 tī te 講啥麼？咱之所以 m̄ 知耶穌 tī te 講啥麼，並 m̄ 是耶穌話 bô 講清楚，是咱 ê 主觀意識，遮蓋伊 ê 教示，所以聽無。Koh-khah bái ê 是咱 siong-siong iáu bô 聽清楚耶穌 ê 話就隨便定人 ê 罪。咱 siong-siong 會問：到底上帝 ê 旨意是啥麼？其實你只要問：tī chit 種情況下面耶穌會怎樣做，he 就是上帝 ê 旨意 ah。耶穌所做 kap 教示 ê lóng 記載佇聖經，咱一定 ài 有讀經，靈修 ê 操練，只要專心追求，上帝 ê 話就會慢慢 tī 心內形成，然後 chiah 有機會聽見耶穌愛咱怎樣做。

ài 去行：信仰若 kan-taⁿ 用口講無實踐，就親像主耶穌 tī chia 所講 ê kā 厝起佇沙土上。Hit 種信仰無根基，經不起考驗。耶穌教示 ê 時，伊一定以身作則，當伊教示學生要彼此服事，伊就 khû 下去 ka 學生洗腳。當伊教示學生要彼此相愛，伊就疼學生，親像爲羊捨命 ê 好牧人。Tùi 福音書咱看 tiòh 耶穌就是伊家己道德教訓 ê 具體成就，伊 hō 受教 ê 人深深體會道理 ê 實際性。親像早年 ê 馬偕等宣教師在台灣建立教會，in 彼時種落 ê 種子，今 á 日已經開花結果，in 雖 bóng 已經過身，總是 in ê 影響力猶原佇著，這就是信仰 ê 力量。舊年冬天有一位來音樂學院 audition ê 女學生，阮並 bô 相熟識，一個牧師 ê gín-á tī 旅行社工作，安排來阮厝 tòà 十工，建議伊每工付膳宿 10 籮，我 kā 講伊，我是傳教者 bē 收伊 ê 錢。今年伊考 tiâu 西岸 ê 學校寫一封信來：表達對阮 ê 感恩。伊講現此時 ê 人實在真少肯大方去接納生份人，因爲阮 ê 接待，hō 伊不管是對主 ê 認同上或是對人 ê 態度，lóng 有正面 ê 改變，連厝裡 ê 人 lóng 真 gōng-giáh。伊講伊雖 bóng 生長 tī 基督教家庭，成長過程中有真 chē 教會 ê 朋友，不 bàt 有 chiah-nih á 深 ê 感動過，mà ng 望阮 ē-tàng 繼續感動 tī 主裡迷途 ê 羊羔！這就是咱作主 ê 學生 ê 信息，信仰是活 ê，是生命 ê 表現，經過磨練、累積 chiah ê 成做咱 ê 資產。咱 mà-na 要效法基督，mà ài tī 同信 ê 兄姊中間彼此學習、成長。

耶穌 ê 山上寶訓教咱一個 ho 生命更加豐富 ê 矛盾秘訣，就是 tī 基督內底棄 sak 愈多，生命愈豐富。寶訓 mà 是耶穌學生 ê 生活原則，伊 ê 精神就是言行合一。八福是耶穌一生 ê 寫照，伊 ài 咱學伊，用簡單 ê 信心來生活，將信仰實踐 tī 生活，這就是咱信仰起造 ê 根基。基督徒要不斷追求，除了個人要勤讀聖經，積極追求聖經 ê 真理，教會也 tiòh 負起教示 ê 責任，幫助信徒建立正確 ê 信仰價值觀，雖 bóng 信仰 ê 根基平時看 bē-tiòh，M̄-k oh，tú-tiòh 試煉或是逆境 ê 時，信仰就會幫助咱堅持生命 ê 價值，維持 kap 上帝親密 ê 關係。